

## CHAPITRE VI.

## DE L'HOSPITAL.

**I**'AY creu que ce chapitre deuoit estre placé en fuitte de ce que nous auons dit de la Residence de S. Ioseph, non feulement pour ce que cette Maifon est bastie auprès des Sauuages, mais auffi pour autant que la charité de ces bonnes Filles coopere puiffammēt à l'arrest de ceux qui se retirent en cette Bourgade encommancée. [86] C'est chose estrange, comme ces peuples font froids, & comme ils paroissent exempts des admirations qui nous estonnent, ils ne le font pas neantmoins, leur cœur est touché auffi bien que le nostre, mais il ne se produit pas tant: l'ay par fois ouy des Sauuages tenir ce langage; Nikanis nous nous estonnons comme ces bonnes Filles si delicates ont quitté vn si bon país comme tu nous le depeins, comme elles ont abandonné leurs parens pour venir demeurer auprès de nous, & ce qui est plus admirable, elles nous donnent à manger, & nous pensent dans nos maladies, Chekher, c'est à dire sans attente d'aucune recompense.

Nostre Seigneur qui a donné les pensées à Madame la Duchesse d'Aiguillon, de fonder vne Maifon de Misericorde en ce bout du Monde, luy auoit auffi inspiré le lieu où elle deuoit estre bastie: or comme elle s'estoit prudemment r'apportée de cēt affaire, à ceux qui font sur le país: Ils prirent au commencement des pensées contraires à ses inclinations, mais apres auoir confideré meurement l'affaire deuant